

愚

齋

存

稿

愚齋存稿卷第八十六目錄

電報六十三

長沙余中丞誠格來電

武昌瑞制軍來電

成都趙制軍寄內閣請代奏電

奉天趙制軍來電

內閣寄川督趙電

萬縣端大臣來電

又

端大臣寄內閣請代奏電

寄奉天趙次山制軍

成都趙制台爾豐寄內閣請代奏電

內閣寄川督趙制台電

長沙余壽平中丞來電

寄武昌瑞制台長沙余撫台萬縣端大臣

寄武昌瑞制台長沙余撫台萬縣端大臣廣州張制台

又

內閣寄趙制台端大臣電

萬縣端大臣來電

瀘州劉道朝望寄內閣電

廣州張制軍來電

萬縣端大臣來電

萬縣端大臣寄內閣電

成都趙制軍寄內閣請代奏電

武昌岑宮保寄內閣請代奏電

武昌瑞制軍徵來電

廣州張制軍鳴岐來電

貴陽沈中丞瑜慶來電

成都趙制軍爾豐寄軍諮府電

太原陸中丞鍾琦來電

內閣寄川督趙電

內閣寄鄂督瑞電

上海唐侍郎文治來電

寄武昌瑞制台高方伯萬縣端大臣

寄武昌岑宮保

愚齋存稿卷第八十六

電報六十三

長沙余中丞誠格來電

八月十三日 並致武昌
瑞制台夔州端大臣

大部卦電敬悉 國家收路自辦內外臣工自當

以力求節省爲首務惟查五月廿一日 諭旨川

粵湘鄂四省鐵路均經籌定分別辦法各省截然

不同湘路商股實有照本發還四字業經楊前撫

轉行鐵路公司欽遵辦理該公司隨將 諭旨登

諸報紙事爲通國皆知迨後湘籍京官請將路用

鹽飭加價振糶米捐兩款皆准作爲地方公股房

股租股皆准作爲私股一律給與分紅分息股票
奏奉七月十七日 上諭亦未提及商股另有辦
法是五月廿一日 旨意原未取消當鐵路收歸
國有之初湘人議論紛紜頗爲反對迨奉兩次
上諭咸以商本既可發還租股等款又可換票
加以官紳剖晰勸導羣情始就範圍今奉部電原
奏忽有不願附股者悉照粵股一律實發六成現
銀其餘四成另給 國家印票分年攤還等語正
收路喫緊之時頓改辦法與先後所奉 諭旨迥
然不符湘省前此風潮雖平未息今竟授人以柄

反汗之號勢所必行無信之言聽之不服竊恐禍
亂卽因之而生前車不遠可爲殷鑒查粵路商股
分四六成湘路商股照本發還均係五月廿一日
諭旨所載明係分別辦理何能強同一律若竟
遵電揭示以致決裂誰任其咎且湘路商股不過
一百五十萬兩照本發還僅較六成多銀六十萬
朝廷何可惜此六十萬而致失大信於商民是
湘省商股照本發還旣已奉 旨在前今宜欽遵
辦理尙乞大部熟思審處月奏施行不勝盼禱之
至並乞迅賜電覆等帥萃帥卓見以爲何如亦祈

速賜明示

武昌瑞制軍來電 八月十三日

股票止列號碼自屬外國通例惟就我國現情論
之不列股東姓名堂號則嗣後過戶註冊以及遺
失挂號等事恐多不便似宜仍列姓名堂號較爲
周妥承詢特復尙希酌裁

成都趙制軍寄內閣請代奏電 八月十三日

具電請代奏想已達頃接新津署統制官朱慶瀾
十一十二兩日報告據稱本日午前率右隊由牧
馬山前進道路泥濘崎嶇備極困難沿途尋匪隨

擊隨進下午二時始達花橋場所派左隊初十由
中興場出發所遞傳家壩聚有匪徒當經擊散至
普興場高地匪徒亦經儘力攻擊斃匪二百餘人
生擒十餘人於本日下午五時右隊會合於花橋
場併力追擊匪眾奔潰當夜宿營於新津河東之
舊縣該處新修未完工之營舍早被焚燬淨盡十
二日本擬渡河因河水漲發船盡爲匪拖在對岸
現正準備架橋進攻又據稱查新津匪徒布置約
分三綫第一綫皆持刀矛潛伏河邊草地內第二
綫人最多數有快槍多枝散布於新津城外之保

資山第三綫則於山頂安設土炮多座城內外仍
日夜施放土炮不止各等語據報謹先電陳再川
省兵少不敷分布歷經奏陳在案現時沿江一帶
匪徒聚散無定分紮各地防軍每一抽調匪人卽
思蠢動實堪隱慮前奉 諭旨飭派六省援軍赴
川湘滇兩軍嗣奉 旨緩調鄂軍始將抵萬粵軍
到尙無期陝軍祇自守邊境惟黔軍三營現抵永
川擬令暫駐瀘州叙州前電鄂督增派一標亦未
能撥派查與川省接壤惟湘滇兩省川方有事或
未易抽撥可否懇請 朝廷仍飭湘撫於川湘接

近之處選派精壯兵隊兩三營迅速來川以資調遣策應無任叩懇待命之至謹請代奏

奉天趙制軍來電

八月十四日

頃准葉監督面稱本溪湖附近廟兒溝製鐵廠一事我公有意合辦此事現正與日資本家大倉商訂合同亟需定議本溪湖一帶鐵礦甚多不止廟兒溝一處又據興鳳道李道稟稱安東近又發現鐵礦一處蘊藏極富我不下手先辦必惹他人垂涎隱患甚鉅奉省財政綦絀同時並舉無此力量尊處能迅速派員來東勘驗早議合辦以保利權

無任企盼

內閣寄川督趙電

八月十四日

奉 旨趙爾豐電奏本年九月爲諮議局常會之期照章應行召集現在省外匪股擾竄各路梗阻軍事正當喫緊議案亦未及預備應如何辦理請旨遵行等語著俟軍事稍定道路通暢由該署督察酌情形卽行召集開會欽此謹聞

萬縣端大臣來電

八月十四日

今日行抵萬縣川東南北紳商學界均舉有代表來萬歡迎據稱成都亦舉有代表在途未到略與

接洽詞意甚爲恭順俟詢得要領即可從速籌定
辦法尹藩電云趙意將鄂軍全數駐省不過專用
自衛近知方因路事必經由川東以達省城忽電
調鄂軍分作三起駐紮川北無匪處所置鄂軍於
閒散且使兵分力單無濟實用真不解其命意所
在矣布置稍定再行奉聞

又

八月十四日

國家鐵路股票本可止列號碼不列股東姓名以
昭簡易惟查各省鐵路股票均列姓名堂號實爲
隱防外國人買股起見此時爲通俗便民計似以

仍列姓名堂號爲宜鄙見如此尙祈裁酌

端大臣寄內閣請代奏電

八月十四日

端方今日甫抵萬縣奉到初十日 上諭所陳布置情形尙爲周妥著卽飭令所派軍隊迅赴事機並確探滇界有無蠢動隨時電奏等語欽此旋得川南道電犍爲張軍被困匪股竄至宜賓縣屬之月坡場朱軍自眞溪堵剿敘喫緊等語又據重慶紳商學界公舉代表諸人陸續來迎均稱路事初起渝城不無疑懼迭奉電示曉諭羣情大安又端方日前密派之前路偵探員亦稱由綏定取道川

北順慶潼川以達成都沿途察探尙無匪徒煽動情事似此則川北一帶但責成地方官嚴密防範防患未然即可不煩兵力川東一帶以渝城爲樞紐渝防無警卽各屬帖然端方猶慮防軍調赴前敵填紮之兵尙嫌其少已電商余誠格撥軍駐紮湘省鄰近酉陽黔江各處設有警報十日內便可抵渝川南一帶以敘府爲樞紐現在朱軍徐軍並集嘉定左近黔軍近亦改道赴瀘兵力尙不甚薄端方所最慮者則在富順縣屬之自流井凡井竈工徒數在十萬以上且財物豐衍爲匪所注目從

前藍李之亂卽係裹脅鹽井工徒致成巨寇現雖
尙無匪擾誠恐風鶴所及卽無大股竄入亦必不
免驚惶且向駐富順之防營聞已調赴援敘井防
實有可慮黔軍現正赴瀘擬抽一營填紮富順並
電由川南道飛飭富順縣一面撫慰工徒勿令誤
聽謠言停工生事一面趕募團練三百人專衛鹽
場並由端方電商趙爾豐屬其注重此著不可大
意其自嘉定以下直至渝夔沿江各州縣飭其卽
無匪蹤亦當留意水警隨時嚴密稽查但不許無
故阻留商民船隻致啟驚疑其川陝交界各州縣

省軍可以兼顧若陝軍進援則此路亦正其行兵
界綫前所調之粵軍若已前來即可令其由鄭洛
鐵路取便由陝入川以拊成都之背若尙未成行
或行而未遠則緩不濟急卽請 旨飭下張鳴岐
電止前來以養兵力川滇交界之匪近已解散江
安間有小股竄逸亦經張軍追捕合併聲明乞代
奏

寄奉天趙次山制軍

八月十五日

本溪湖鐵礦前任許彼開辦實爲心腹之患葉監督面
談與官合辦不及與商合辦但漢治萍心餘力絀盡在

洞鑒之中今又有安東鐵礦發現真防不勝防仰承關
顧先發制人尤深欽佩容與李一琴等熟商先派員往
勘再與我公妥籌辦法

成都趙制台爾豐寄內閣請代奏電

八月十五日

元電請代奏想邀鑒新津今日尙無報告得報卽
行電陳前道紳等所刊商榷書茲將其條件摘要
錄下一甲現在自保條件一保護官長由各廳州
縣城議事會通告鎮鄉議事會集選定精壯子弟
百名或六十名作爲團丁分季輪操常川駐守官
署局以便保護二維持治安全川罷市萬一亂民

乘機肆擾應由保路同志會會同諮議局協議既經決議認爲亂民曉以大義如不聽從乃以大兵彈壓迫令解散但不得殺戮殘害同胞三開課開市開工罷課罷市罷工不過表明川人同志損害實大須斟酌時勢一律開市開課開工經收租稅由各城議事會通告各鎮鄉議事會卽由城董事會代收糧契捐與各項釐稅妥爲存儲以備支撥乙將來自保條件一應請購屯銅鐵及炮兵工廠與機器廠晝夜加工製造槍礮二至七設鍊鐵硫酸酒精機械製材水電等廠八鍊國民軍九設國

民軍礮兵工廠附設礮兵講習及試驗所十十一
修成渝鐵路輔以川輪宜夔一段量勢漸長十二
邊險地方建築礮台十三實業及教育應集各界
同志協議各種教科書應自編纂不待政府頒發
十四優給餉需軍人餉需太薄應由國民籌出餉
需增給軍人十五優待軍警兩界同胞之家庭凡
軍警兩界家庭人口應由各地鎮鄉議事會按季
編查存於議事會其家庭有喪葬困難之事應由
團鄰知照議事會特別致書籌議補助如軍警兩
界對於同胞有摧殘之事由議事會究詰其家庭

丙籌備自保經費一停止捐輸二停止協餉三議
撥稅契入款四節省辦事人薪水五視自保應用
之經費按人口地權分別貧富擔任丁除去妨礙
自保條件既經川人多數議決認可如有賣收官
紳從中阻撓卽應以義俠赴之誓不兩立於天地
各等語此書雖未有主名然實在會場散布散布
此書之人又爲逆紳同黨內中條件該紳等曾倡
言無忌已屬無可解免嗣在蒲殿俊內宅搜得豫
川楊梅氏寄羅綸信一紙有倡舉大義資助快礮
一千支子彈三萬顆勁黨二千人等語又得有滌

血同盟符外用黃緞包裹內用黃綾書十路大統領王蒲羅蕭鄧張閻劉周程十人之姓遍洒血跡後開僞號大岷西顧開基之始歲在辛亥月建乙未朔日丁酉共訂於鐵道學校僞印文曰大岷西顧受天之寶騎封處書皇字一號似此大逆不道罪實難逭本應恪遵查有實據卽應就地正法之旨惟以各屬亂事方殷軍隊分布於外省中仍有亂黨潛伏伺機待動欲俟軍務稍定再行宣布證據明正典刑乃該逆等之黨羽仍敢捏造謠言混淆觀聽而奔走路事之人亦復一倡百和顛倒

是非仍以路事相牽混擬先將同盟符照印多張
宣布於眾俾紳民人等早爲覺悟該逆黨亦無所
施其伎倆此外尙有偽護衛卅六人及各種秘密
之件聞已藏匿銷燬正飭嚴密偵察茲將摘錄商
權書及同盟符確實證據先行具陳伏乞代奏

內閣寄川督趙制台電

八月十五日

奉 旨趙爾豐電奏近日剿辦新津等處匪徒情
形並黔軍已到永川分紮瀘敘鄂軍已抵夔州邊
軍聞到雅州被匪截阻並有滇屬鎮雄州匪竄擾
川境等語現在川省匪勢仍未少減雖官軍時有

擒斬而此伏彼起既散復聚蔓延愈廣殊屬可慮
著趙爾豐督飭各軍分路認真剿辦並催鄂軍迅
速前進如兵力實有不敷准其再行添募數營以
資分布一面仍行設法解散撫輯良民毋任到處
裹脅使匪勢漸孤辦理較易得手其竄擾川邊滇
匪應卽嚴飭防堵並著李經羲督飭滇邊防軍會
剿堵截免致勾結仍各將辦理情形隨時電奏欽
此

長沙余壽平中丞來電

八月十五日

並致鄂督

大部元電悉股票與司道及湘紳公議僉以有姓

名堂號爲宜中國習慣不如此不足以昭信守謹

復文電尙祈速奪示遵

寄武昌瑞制台長沙余撫台萬縣端大臣

八月十五日

前接壽帥陽電紳議尙以租股宜與商股概發現銀經
查示 諭旨嚴詞駁拒方無異言鄙意全發商股將來
領款者必不過百萬仍以遵 旨全發爲是等因甚爲
欽佩初實不知租股已經壽帥駁拒故有四省一律之
商權係屬敝處誤會本部先接萃帥東轉電初四會議
初八入奏已敘明湘撫電湘路房股租股自應遵十七
日 諭旨換給股票惟商股一百五十萬未曾揭明湘

商執五月二十一日諭旨有湘路商股照本發還兩語明知路事有利願退股者必不多然不能不儲款以待等語四省合計實收銀股約在三千萬兩左右各等因奉旨依議卽已電咨尊處是湘商股一百五十萬已在預備款內矣頃接壽帥文電尙欲本部另奏想前奏尙未行到請卽照所議辦理一俟股票印成屆時與度支部籌撥現銀一百五十萬派員送湘可也

寄武昌瑞制台長沙余撫台萬縣端大臣廣州張制台
八月十五日

股票仍列姓名堂號所見相同惟堅帥未復想亦必以

爲然今已付刷印矣

又八月十六日

奉 旨趙爾豐電奏新軍剿匪情形並以兵力不敷分布請調湘軍援川等語著瑞澂余誠格於川湘接近之處酌量選派得力湘軍兩三營迅速赴川以資策應暫歸端方趙爾豐節制調遣該部知道欽此特聞

內閣寄趙制台端大臣電

八月十六日

奉 旨端方電奏行抵萬縣接據各路軍報及布置各情形知道了昨據趙爾豐電奏川省匪勢此伏彼起蔓延可虞有 旨飭趙爾豐督飭各軍分

路剿辦並准添募數營以資分布仍著設法解散撫輯良民毋任到處裹脅端方所陳自流井井竈工徒人眾財豐極宜注重所慮甚是現在川北川東等處既據探稱尙無匪蹤則道路必無梗阻端方應立即赴省與趙爾豐妥籌布置一切事宜至前調粵軍已飭暫緩赴川並已有旨著瑞澂余誠格於湘省軍隊撥調兩三營赴援以厚兵力端方到成都後趕將路事妥速籌議具奏欽此

萬縣端大臣來電

八月十六日

湘路承公碩畫租房等股早就範圍近因川事小

有波瀾商股一層稍予變通湘事既定川粵亦較易著手公之心力爲交瘁矣

瀘州劉道朝望寄內閣電

八月十六日

據宜賓電稱朱登五軍四營向犍爲前進匪多聞風逃遁又據續電探報匪添多人踞嘉城內外謀抗朱軍請催黔軍速來敘策應扼江嚴防下竄等語現黔省新軍一營防軍兩營均已到瀘新軍統帶董福開今日開赴敘府防軍劉元堂一營駐瀘防守曾昌禧一營奉調日內開赴富順而瀘城前駐徐軍一營亦已全調赴富井廠得此兩營與張

輔周軍聯爲一氣當可無虞敘府得黔軍扼紮爲
朱軍後援總可扼匪下竄之路敘瀘間江防已由
朝望督率鹽巡水師營扼守險灘防匪掠舟竄逸
至滇黔邊境匪黨布謠思逞昨據徐甫陳函稱永
甯州大壩有匪多人持械聲稱由江安過河已由
徐軍撥兵堵截奉貴總督電已飭昭通蘇鎮率隊
巡查又由省派一營駐瀘頭扼紮已由朝望飭接
界文武探確匪情互相通報聯絡防堵又據資州
電稟仁壽官軍已飭查明確情尙未接復永甯道
劉朝望叩

廣州張制軍來電

八月十七日

致郵傳部

華商歐伯自置小輪一艘名同亨擬在內河拖帶
船隻碼頭航綫無定成本四千九百二十元係獨
資無公司合同章程據粵關稅司請發暫行照片
前來應否照准乞電復

萬縣端大臣來電

八月十七日

並致澤公

頃發電奏云連奉十六日兩次 上諭川北川東
據稱尙無匪蹤道路必無梗阻端方應立即赴省
與趙爾豐妥籌布置端方到成都後趕將路事妥
速籌議具奏趙爾豐奏兵力不敷分布著瑞澂余

誠格於川湘接近之處酌派得力湘軍兩三營赴川暫歸端方趙爾豐節制調遣等因欽此端方在萬接見川南各屬人士卽詢以嘉充匪徒蹤跡並多派得力偵探其始民匪混雜往往兵至則散兵過復聚自張軍被困於犍爲之馬踏場匪勢大熾端方所派朱軍至犍匪勢警散徐軍由江安堵剿匪徒直追至富順之雙石鋪痛行兜剿軍勢稍振端方前奏匪蔓眉嘉江防緊要並電告趙爾豐以眉嘉喫緊先顧江防詎意趙爾豐並未先派得力之軍預爲防守頃得敘電嘉定府城業于十二日

失守爲股匪胡潭所據聞之不勝憤懣急電趙爾
豐迅撥得力之軍節節進攻務期將嘉定早日收
復以竟守土之責並飛飭朱軍由犍進剿以顧江
防而防下竄倘日久無功定當重治其罪至敘防
本甚單薄永甯古宋地方又有匪徒起事恐其勾
結郭家墳已散之匪出沒窺伺至各軍不能速平
敘匪進窺嘉定當經電商李經羲將派駐滇界之
蘇李二軍進紮筠連屏山之間爲敘聲援至 諭
旨所派湘軍以取道常德達酉陽最爲就近渝城
防營節次調赴前敵湘軍一到更可填實渝防惟

趙爾豐擬令鄂軍分紮川北順慶潼川無匪處所
端方以有用之兵未可置之無用之地再嘉敘喫
緊正在川東上游已電商仍令由川東一帶進兵
將來可一枝直達嘉定以搗中堅一枝迅赴成都
以顧根本至路事自經匪亂川人似漸有悔禍之
心但得匪亂速平自可導令就範再蜀通輪船前
在忠州擱淺端方到萬適值曳出險灘催令卽日
下駛明日計可抵萬船到卽行惟該輪僅容百七
十人端方先督一隊趲行三日卽可抵渝其餘軍
隊乘民船上駛至速須七八日方能踵至一經至

渝卽督令星夜馳赴前敵與朱軍會同進剿用慰
宸厪乞代奏端方卅十六日等語特聞

萬縣端大臣寄內閣電

八月十七日

昨接瀘州劉道來電稱頃據宜賓孫令守正電稱
頃探知嘉定文日失守匪首胡潭有五千餘人勢
頗張朱軍單入犍尙未接仗現在匪情軍多卽避
軍過則起軍弱則接仗不有重兵節節防剿恐日
滋蔓延均已不堪問等語又接叙州羅守來電稱
現在嘉城已爲胡潭率匪佔踞黔軍未到叙防過
單非有重兵難資扼紮請速飛調前來川省駐紮

難頭之營如能移至橫江爲敘之援並有裨益等語謹聞

成都趙制軍寄內閣請代奏電

八月十七日

昨據陸軍統制官朱慶瀾由新津報告數日來與匪徒隔河開仗斃匪約數十人我軍亦死傷十餘名前日甫駕浮橋忽自上流來匪船數隻中載火藥互相射擊當將匪船沉斃而我軍亦未能得渡新津河流本急灌縣上流又爲匪人決破水益盛漲所有舟楫預爲奪去現正趕造水筏浮橋惟材料甚少卽刻難於竣工我軍又在敵人礮綫之內

每工作時卽被礮轟擊因之更形棘手該匪佔踞對河之老君山保資山一帶地勢甚高復沿河築壘戰綫極爲寬長蘆草叢林隨處設伏布置周密確有曉暢軍事之人並有快槍多支匪膽益壯探聞係邛川中路巡防第八營兵變營官周恩翰慘遭槍斃匪黨勁旅卽以此爲前鋒頃又據報告昨晚午時有匪百數十人口稱巡防軍自願投誠該統制官命其卸去武裝膽敢肆言令我軍投彼因卽開槍乃相持十數分鐘之久始行敗退我軍尙無傷亡惟匪徒眾多西南沿岸無處不有凡渡口

沙灘防守綦嚴我軍露宿無蔭蔽之地工作皆在
夜間尙須少遲時日據前後報告所云該匪襟山
帶河形勢便利主客之分勞逸迥異必須有奇兵
繞圍其背兩面合攻方能得手而防軍現分紮雙
流黃水河花橋場爲新軍後援實已不敷抽撥前
調邊軍亦爲雅河所阻至今不能前進昨已飛調
左路巡防統領張輔周星夜來省應援然彼軍亦
皆分布各縣恐一時難於齊集又聞灌縣不守知
縣被禁汶川有匪數千人燒燬縣署知縣無著川
東各州縣多有請兵保護者鄂軍尙未到萬前曾

電令該協統鄧承拔由萬縣遵電前進因小川尤
空虛必須有兩營駐守一營來省聽候調遣聞端
方大臣將至萬改道赴渝尙不知鄂軍隨行若干
頃已電商前請飭調湘軍如蒙允准伏乞電示謹
請代奏爾豐銑

武昌岑宮保寄內閣請代奏電

八月十七日

春煊蒙 恩賞假調理現在鄂省水土不服醫藥
亦未見效仰懇 天恩俯准暫回上海就醫無任
感悚粵派軍隊已有一營由滬乘輪上駛現經遵
旨飭令回粵祈代奏春煊篠

武昌瑞制軍激來電 八月十七日

大咨鈔奏亦到惟細讀卦咸兩電及大疏似有彼此歧異之處特將緊要情節分條奉詢俟得復再行飭遵以免錯誤查卦電及鈔奏敘明四省私股一律先發六成現銀其四成分兩年還清而咸電復壽帥又云湘商股一百五十萬現銀卽派員送湘似係十成全還非先還六成矣是否因壽帥電爭又將此次奏案改變此應問者一百五十萬約何日送湘壽帥電屢詢卽擬出示現在能否將商股十成全還及現款計日可到等語大張曉諭

敘入示中此應問者二湖北商股能否照湘省一律還十成現銀不以初八日奏案爲據抑湘省獨從優異而他省仍應先還六成此應問者三卦電云 國家旣不查公司收支數目則股本以外之事亦不能再有認還之款所謂股本以外事究係何事究指何款未能明晰現准鈔奏卻無此數語是否業已取銷此應問者四大疏云四成給 國家印票此印票必非股票似當與公債票式略同是否由部頒發已否製備六釐息是常年抑係按月將來由何處給領此應問者五四成分兩年還

或每年二成或於兩年後一氣全還此兩種辦法
是否聽外省自擇所謂兩年後全還是否於宣統
五年還清此應問者六以上六條務乞迅賜詳細
電復爲盼

廣州張制軍鳴岐來電

八月十七日

前派黎參將天才統帶滇軍一營由廣利輪船運
送赴滬頃奉電 旨仍飭該軍回粵暫緩入川該
軍現已到滬擬請大部仍派廣利載送回粵盼電
示

貴陽沈中丞瑜慶來電

八月十八日

端午帥萬縣諫電嘉定十二失守屬再派兵防黔
邊爲董軍聲援趙季帥鹽電謝黔軍先到並未提
及嘉定失守之事但云黔軍隊分駐敘瀘並云善
戰不如善防等語鄙意若疑忌觀望不撲滅則蔓
延殊可慮望公電飭敘瀘電局委員探悉軍情兼
報敝處庶幾先籌備耳當路計畫如何幸密示

成都趙制軍爾豐寄軍諮府電

八月十八日

川省軍事自派兵進攻新津沿途雖迭獲勝仗直
抵新津隔河踞紮因河流數道間隔徵集造橋材
料行人尙未渡河連日匪勢尙盛時有大股乘夜

四面撲圍殺軍防禦嚴密未爲所乘察看情形橋樑若成進攻能否得手尙無十分把握省城附近州縣溫鄆灌等處又復蠢動立有統領等名目大約不下萬人日有圍攻省城之驚下游一帶據報嘉定眉州彭山仁壽等處一片賊氛黔軍雖已到灌縣然統率防守各軍均嫌單薄端大臣現已統率鄂軍赴渝規畫川東川南防務省防各軍經月苦戰傷病日多後無援兵深爲可慮小川北順慶潼川一帶同志會前往勾煽亦有躍躍欲動之勢應請大府迅將駐防鄂軍一標就近調撥川北一

路進省以顧根本免致事後補救愈難此次事變
兩川人心均有獨立思想所以本省無兵可招若
不多派客軍速行鎮定事變且不可測由新津以
西直至清溪漿經地爲匪踞前調邊軍阻於雅州
關外文報月餘不通聞土司地方匪有連結之說
邊藏聲氣梗塞恐皆不免無事並望大府早爲籌
及不勝禱盼爾豐叩嘯

太原陸中丞鍾琦來電

八月十九日

致郵傳部

福邵兩工程司已到歸化城遵卽電飭該地方官
妥爲保護矣

內閣致川督趙電

八月十九日

奉 旨趙爾豐電奏據統制官朱慶瀾由新津報
告連日與匪隔河開仗甚形棘手探聞邛州一路
巡防第八營兵變兵官慘遭鎗斃該匪襟山帶河
形勢便利須有奇兵繞渡其背兩面合攻方能得
手又聞灌縣不守汶川縣署被燬川東各州縣多
有請兵保護等語該省匪勢日張近復有兵變及
失守縣城情事誠恐曠日持久爲患益深趙爾豐
身任封疆責成綦重豈容任地方糜爛日甚一日
亟宜激勵將士勉以忠義將失守各地方早日克

復端方昨日電奏先帶一隊前進日內即可抵渝
其餘軍隊七八日亦可踵至著卽會商該大臣統
籌全局妥爲布置分路進剿迅速撲滅所調湘軍
已有 旨飭令尅期赴援矣欽此

內閣寄鄂督瑞電

八月十九日

奉 旨瑞澂等電奏選派巡防三隊先後開拔赴
川等語著瑞澂余誠格飭令參將陳彬生迅速督
隊前進現在川省匪勢蔓延務須尅期赴援毋得
延緩派出之巡防三隊共有若干人如尙不敷分
布仍應酌量續撥以壯聲援欽此

上海唐侍郎文治來電

八月十九日

致郵傳部

咨謹悉本屆電機畢業生六月間蒙本部准派出
洋赴工廠實習並已匯到川資前與美公司訂定
於西十月進廠不日起程未能送京覆試乞轉咨
學部

寄武昌瑞制台高方伯萬縣端大臣

八月十九日

奉 上諭端方等奏湖北境內粵漢川漢鐵路遵
收歸國固有取銷商辦公司並議定接收股款辦法一
摺前因鐵路收歸 國有曾經 諭令督辦粵漢川漢
鐵路大臣會同各該督撫將所有收款遵照五月二十

一日 諭旨分期辦理茲據奏稱鄂路股款約分四項
官招粵漢商股川漢商股皆係實銀應卽欽遵 諭旨
一律發給 國家鐵路股票不願附股者發還現銀其
川漢彩票股與普通彩票不同早經按戶換給股票逐
次付息擬懇一併按照商股辦法給與分利分紅股票
至商招商股一項係零星勸集股東散處無從徧詢擬
由該省鐵路協會紳士自行清理先將股本一律退還
其有願附股者再行繳銀領票以清界限此外尙有振
耀捐一款擬援湘省成案撥作地方公股官紳會商意
見相同業於八月初六日接收完竣等語該大臣等辦

理接收事宜暨所擬辦法均尙妥協潮廣總督瑞澂辦事明敏於此次路事尤當盡心籌畫不負委任該省士紳復能仰體 朝廷德意率先遵辦洵屬深明大義著傳 旨嘉獎該大臣等迅卽會同度支部郵傳部按照籌辦各節分別清理尅期開工以重交通要政餘均照所議辦理該部知道欽此謹聞

寄武昌岑宮保

八月十九日

頃知公奏准回滬調養何日起節甚念樾亭來面談一切天氣驟寒賤恙時發大約不久亦須賦遂初也

愚齋存稿卷第八十六

愚齋存稿卷第八十七目錄

電報六十四

開封寶中丞棻來電

南京張安圃制軍人駿來電

天津陳制軍夔龍來電

開封寶薌石中丞來電

漢口瑞制台澂來電

開封寶中丞棻來電

寄長沙余中丞誠格

寄開封寶薌石中丞

寄南京張制軍

寄漢口瑞制軍

寄開封寶中丞

又

又

又

寄天津陳小石制軍

開封寶中丞來電

又

又

重慶端大臣方來電

天津陳小石制軍來電

又

寄天津陳制台夔龍

寄開封寶中丞棻

又

彰德袁宮保來電

蘇州程中丞德全來電

寄彰德袁宮保

彰德袁宮保來電

天津陳制軍夔龍致內閣軍諮府郵傳部電

寄蘇州程雪樓中丞

寄各省將軍督撫

寄彰德衛輝鄭州探送廕大臣昌

寄鄭州廕大臣

又

寄漢口施道肇曾速送瑞制台

奉天趙制軍爾巽來電

四川趙季和制軍來電

寄彰德袁宮保

彰德袁宮保來電

許州蔭大臣來電

奉天趙制軍來電

寄廣州張制軍人駿

寄彰德袁宮保世凱

寄南京張制軍人駿

寄重慶端大臣方

寄南昌馮中丞汝驤

寄長沙余中丞誠格

寄彰德袁慰庭宮保

彰德袁宮保來電

九江瑞制軍薩軍門寄內閣請代奏電

九江瑞制軍寄內閣請代奏電

荊州府連將軍電奏

信陽廕大臣來電

彰德袁宮保來電

寄彰德袁宮保

寄信陽廕大臣

寄漢口劉家廟瑞制台薩軍門

寄南昌馮中丞汝驤

寄南京張制台南昌馮撫台安慶朱撫台上海劉道台

寄招商局員董

寄彰德袁宮保

彰德袁宮保來電

寄濟南孫中丞寶琦

寄信陽轉花園廕大臣

又

又

彰德袁宮保來電

又

又

又

又

寄南京張制軍蘇州程中丞上海道劉觀察

寄彰德袁宮保

彰德袁宮保來電

又

天津陳制軍龔龍來電

寄彰德袁宮保

又

又

愚齋存稿卷第八十七

電報六十四

開府寶中丞蔡來電

八月二十一日
府陸軍部

並致軍諮

貴郵部箇電敬悉黃河橋爲南北交通樞紐敝處
自當派隊保護但鐵路本軍用片一機關豫中到
處均需設法勢難專注一端此時武昌已陷萬一
漢口有警照軍事辦法應將京漢南端首站折毀
一段以免匪人乘機而入還乞商明由鈞府貴軍
部從速專派軍隊將河橋及此股鐵道駐守管理
以免隨時命令不一別有貽誤武漢情勢日緊可

否將每日北上票車暫停數日尤乞貴郵部力顧大局勿以暫時損失爲意至京漢各車自入豫境後本省自當逐段嚴查現已沿途分派員弁管理此事極有關係務乞貴郵部速卽通飭各站遇有此項員弁准其隨時上車查察萬勿阻止是爲至要

南京張安圃制軍人駿來電

八月二十二日

尊示與敝見相符已奏請添招勇營長江商埠林立伏莽滋多並已電調兵艦抽集得力防營嚴加保守鐵路電綫自應設法保護

天津陳制軍夔龍來電

八月二十二日

並致陸

軍部

寶薌帥電借槍械現飭保定軍械局撥解洋造小口徑毛瑟全槍五百枝共配子彈五十萬粒由火車運鄭應請軍部迅發護照逕交保定軍械局長徐守並請郵部電飭京漢路局遵照以免延誤

開封寶薌石中丞來電

八月二十二日

防守黃河鐵橋豫中原派防軍兩營今午已到一營餘需續到今晚深恐兵力尙單擬再由省加派陸軍兩隊卽刻專車載往暫駐守護豫南處處需防兵力實屬不敷分布請催令部派駐守之兵速

來爲禱

漢口瑞制台澂來電

八月二十二日

並致外部

此次匪黨勾結段兵作亂肆意搶掠燒毀省城內
外火光三日不絕昨又煽動漢鎮本地痞徒及無
業游民放火燒搶實與土匪無異毫無文明舉動
惟昨探聞該匪有欲煽動漢口各國領事與之立
約之說想各國領事與我素敦睦誼當不爲其所
動且該匪雖假借國民軍名義而一切兇殘情形
亦難任意欺誑第既有所聞不得不先密告應請
密商各國公使密飭漢口各領事如遇該匪等甘

言煽惑嚴行拒絕大局幸甚

開封寶中丞棻來電

八月二十二日

致郵傳部

現有步隊兩隊明日可到許州望飭該路站長速
備頭等車一輛三等車三輛廠車一輛行李車二
輛候該兵隊到許立刻運送赴武勝關勿稍遲誤
再今日派隊由汴啟行站長多方支吾不肯用二
三等車運送仍復拘泥賣票商之再四始以廠車
裝運計已耽擱五點鐘之久誤咎將誰屬且兵隊
遠行乘坐廠車計到駐紮地點業已困憊不堪尤
爲行軍大忌務請嚴飭該總辦站長等以後遇有

運兵之時須聽敝處指揮勿得仍前玩視至要至要

寄長沙余中丞誠格

八月二十二日

防軍太單公可電奏請派黃忠浩速募十營多招一勇
卽少一匪貴屬安否

寄開封寶薌石中丞

八月二十二日

汴洛票車准停卽歸尊處運兵請卽轉飭遵照漢口票
車已停但車站已被佔恐匪兵自開北上貴軍赴武勝
關可卽攔阻本部已一面電飭將漢車頭均調離漢口
矣

寄南京張制軍

八月二十二日

澤公會電

鄂軍餉甚急已電飭造幣廠蔡道將已鑄銀元火速運往請卽密派妥人護送上船萬勿張揚

寄漢口瑞制軍

八月二十二日

二三次電奏今早上韜奉命銷假請停操則一二鎮現成可速行軍力太薄千萬先保橋路大軍到後方可一鼓成功四十二標變否路已拆動張永漢須懸重賞提督丁槐現住孝感黃忠浩回長沙公可電奏請就近各募十營以備不虞多招一勇便少一匪韜今面奏公再一提卽決議

寄開封寶中丞

八月二十二日

今早已有人前往欲將黃河鐵橋炸毀望速飭就近防軍赴黃河橋趕緊守護明日即可運兵到橋

又

八月二十二日

尊電奏抽調大隊先保黃河鐵橋及入豫鐵路首站扼要之至今早南路洋段長來電七十二次票車聞已有八前往將黃河鐵橋炸毀此車到境望飭嚴查防堵北軍明日到橋計一標統帶馬繼增其命令以橋爲起點節節前進擇要分紮並酌留隊伍駐紮橋端應否會合各辦各事橋北亦宜分防乞密酌

又八月二十二日

武勝關以南車頭已飭京漢局悉數拖入武勝關現軍
諮府定撥兩鎮於五日內一律懺鄂應援此項軍隊須
尅日到鄂澠口以南鐵軌尊處務囑軍隊千萬勿拆已
由本部電飭該路局沿途加派巡警保護以利運輸

又八月二十二日

承派兵隊保護鐵橋甚感北軍三營明日可到可靠與
否尙無把握貴軍請暫留數日兩鎮月底運完屆時再
請撤調馬鎮金敘在南陽現統幾營乞示

寄天津陳小石制軍

八月二十二日

養電代籌極佩寶卿帥已派隊紮武勝關黃河橋兩處以扼來路本路亦擬奏請自募兩營保護惟軍火難得如尊處允借撥卽當照辦乞速電復

開封寶中丞來電

八月二十二日

鄂匪佔漢口車站事在意中惟豫軍雖已陸續開派到防需時現在豫省援鄂之步軍一營駐紮灞口聞今日北軍已開往兩營應請鈞府貴軍部速飭與豫軍聯絡駐守並請貴郵部速飭京漢路局將凡有武勝關以南車頭悉數拖入武勝關以北愈北愈妙敝處已飭駐灞口之軍隊將逼近匪佔

之鐵道相機拆毀數十里此外別無救急之法乞速分飭遵辦爲禱

又八月二十二日

現需載新軍赴武勝關車不敷用請速飭汴路局暫停今日開封票車騰出應急各兵均在車站守待愈速愈妙往後如遇調兵緊急輾轉電達深恐有誤還請通飭各站暫聽敝處命令不必再由尊處電達爲禱

又八月二十二日

今日上午尙有南北軍車陸續過鄭足爲河橋未

壞之證敝處所派防軍午前已有一營到橋岸餘待續到今晚頗不放心已令應協統親帶新軍兩隊於傍晚專車載赴守橋約戌刻卽到至往後如何防守應俟各軍到齊再酌

重慶端大臣方來電

八月二十二日

並致澤公

頃發電奏云端方由萬縣乘蜀通商輪上駛水勢暴漲伏灘出險今午始行抵重慶據朱軍電稱在犍爲城外鳳凰山遇犍匪勾結之嘉定大股四千餘人派人傳諭曉導令兵解散匪徒不從猛撲官軍當經接仗陣斃匪首白姓畢姓巫姓三姓匪徒

三百餘人嘉匪勢衰退去旋句引銅雅三邊匪股
踵至匪勢復盛我軍暫守犍爲待援又據徐軍電
稱郭家墩匪股竄入古宋縣屬粟橋趕場壩等處
連日堵截追剿匪徒被擒二十餘人奪得槍砲軍
器多件餘匪由連天山老翁場竄逸現正分兵追
捕等語查川南之匪嘉定爲老巢恐朱軍直搗其
中堅故以全力爭犍又號召銅雅三邊小股牽制
朱軍不得前進現在朱軍適當匪衝必爲預籌後
援始免勢孤力薄黔軍遠來本稍勞頓昨令由瀘
至敘改用舟行較陸更捷而精銳得以養蓄該軍

現已到敘已飭赴犍與朱軍會合並戒以客軍人地生疏須步步穩進絲毫不可大意方能自立於不敗之地一切夫役糧餉已由地方官預爲照料惟所攜子彈不甚寬餘只好暫令節省續行設法接濟川南邊勢略鬆並令邊軍酌抽得力一營進紮敘府似此節節進行朱軍由犍規嘉黔軍由敘規犍徐軍復由瀘顧敘力爭上游卽以固下游門戶惟犍爲縣屬之清華溪五通橋二處鹽廠雖亞於富順之自流井數廠竈工徒亦有數萬保護不可稍疏除電商趙爾豐設法先顧廠防外擬俟數

日內鄂軍到渝力爲協助屆時朱軍氣力較足卽可於四營內抽一營專防健廠以免停工生事渝防尙稱周密足慰宸廑再此次到渝紳商學界因端方爲宣布朝廷德意而來於城外多設香案藉表歡迎其意甚爲誠懇合併聲明乞代奏

天津陳小石制軍來電

八月二十二日

鄂事危迫南北路綫交通惟恃黃河爲藩籬似宜統籌全局先事預防京漢全路最關緊要凡有車頭處所宜派妥實將領營帶可靠軍隊協力保護總須操縱由我乃占勝著頃聞謠傳漢口亦危如

果屬實則漢鎮車站已不可恃似宜於廣水一帶
擇立車頭廠站以利轉運至駐馬店南鐵路亦係
鄂軍防護難保不與叛兵聯爲一氣似宜速商寶
香帥另派妥靠軍隊換防或竟由大部招募精兵
數營專護京漢鐵路以免匪竄尤爲妥善芻蕘之
獻統望卓裁是幸

又 八月二十四日

現在防務緊要凡直隸境內之宣化保定正定大
名山海關開平朝陽等處暨永平一帶並河南彰
德府各路統領均由敝處發給津字密碼電本請

飭天津電報局分電以上各處分局如遇各統領
發遞敝署密電務卽隨到隨發並擬請照半價收
費以利軍用至叙公誼並乞示復爲荷

寄天津陳制台夔龍

八月二十四日

尊處撥派混成協一標二營兵隊保護鐵路擬於廿四
午後由郎坊開往彰磁一帶駐防囑備三等車八輛廠
車三輛以便軍行亟應卽刻遵辦惟廕大臣本日進發
赴鄂援兵均萬分緊急車輛恐本日不敷分用已飭路
局設法騰挪以免延緩並囑逕報尊處

寄開封寶中丞棻

八月二十四日

軍諮府函述尊處漾電請酌留車頭一事刻下輸送正
繁實係不敷應用礙難照辦乞諒

又 八月二十四日 度支部會電

湖北官票在豫數少鄂中所出票甚多現在該局已經
落亂實數無可稽查倘有假票爲患伊於胡底僅願目
前恐非辦法惟有請尊處出示在省設局派員驗明原
票號數逐一登簿並蓋豫局驗訖准其通用字樣俟鄂
局收回對明號頭方可辦理總之官票公家必當擔任
請卽曉諭以安人心

彰德袁宮保來電 八月二十日

漾電感悉惟凱衰病侵尋入秋尤劇俟見電鈔擬請另簡賢能廕薩此去必卽肅清

蘇州程中丞德全來電

八月二十四日

路綫關係徵調已設法極力保護京漢路有無阻隔乞示

寄彰德袁宮保

八月二十五日

敬電奉悉此亂蓄之已久若不早平恐各省響應公出處關係中原治亂並請默念此身負環球重望豈能久安綠野與其遲一日不如早一日萬勿遲疑

彰德袁宮保來電

八月二十五日

各處要電往來頗多請飭局列爲一等出半價由
鄂彙付現無關防擬鈐圖章

天津陳制軍夔龍致內閣軍諮府郵傳部電

八月二十

五日

連日京津一帶因鄂事人心惶惑市面搖動幸一切
交通貿易如常大局得稍鎮定頃聞傳聞京奉火
車因運兵運械有自明日起將京津客車暫行停
止之說未知確否現在人心不靖謠言孔多本已
防不勝防京津貨車業經停止如果客車再一隔
絕則兩地必互相猜疑設有匪徒藉此肆其煽惑

轉恐別生他變於京津治安關係甚鉅運兵本爲
赴援湖北固應先其所急而 畿輔重地爲根本
所繫尤宜審籌兼顧務保無虞夔龍愚意如運兵
車輛實在不敷不妨多以津浦京張各路湊集京
津客車似宜照常開行卽萬不獲已亦宜每日往
來一次以安人心而維大局夔龍旣有所聞用敢
密電奉達敬請迅賜鑒察不勝企禱之至乞賜覆
寄蘇州程雪樓中丞

八月二十五日

京漢路無阻廕帥親統萬人已過黃河請囑首府留圍
振會緩行

寄各省將軍督撫八月二十五日

武昌兵變不及萬人城中無糧水陸到齊不難克復惟防軍太少統帥未到兵匪殺掠漢口震動電綫被佔假電甚多薩軍門統兵艦雷艇十數號廕大臣統步砲隊二萬火車赴漢沿途無恙日內陸續可到另有萬人由津輪船赴漢內定袁岑宮保督楚川京都安謐報紙謠言斷不可信承詢謹聞各大府似宜薦引宿將多招防軍度部已奏准先顧國防暫緩他用務望善體此意

寄彰德衛輝鄭州探送廕大臣昌

八月二十五日

京奉票車已停混成協已運完廿五接運一鎮廿六可

完賊將攻打劉家廟望速電瑞薩兩帥儘力保護車綫
否則兵不能到漢起卸極關緊要

寄鄭州廕大臣

八月二十五日

漢路局施道有電昨晚各領不允叛兵經過租界故劉
家廟車路尙安聞叛兵由後湖抄出西擊田家鎮步步
加緊北軍第一次午可到江岸電局仍彼踞用云一協
今早已運完

又

八月二十五日

第四鎮仍廿六早開起特聞

寄漢口施道肇曾速送瑞制台

八月二十五日

奉 旨聞匪黨有攻打劉家廟江岸使我兵車難於起
卸之說著瑞澂會同薩鎮冰速派水陸軍隊嚴爲防堵
以便兵車到漢起卸無礙毋稍疏虞欽此宣敬轉

奉天趙制軍爾巽來電

八月二十五日

並致澤

奉省造幣廠停鑄舊幣前經電達幣制局請俟兩
月後仍鑄小銀元當奉覆電商辦等因在案現在
鄂變猝起奉市異常驚惶自非趕鑄小銀元恐外
人逼處一有擾亂爲患甚巨頃已電奏請 旨飭
行如蒙 俞允務請飭幣局趕鑄大局幸甚

四川趙季和制軍來電

八月二十五日

現當軍事繁興往來官商各電之多十倍於常日
非有精細幹練之員相助爲理實有應接不暇之
勢加以鄂亂未平恐有匪徒暗通消息勾結煽惑
尤非嚴密檢查不可查有調川辦理電政候選通
判唐元樞前在山東電局咨調來川充官電總局
會辦及電報學堂監督辦事精覈毫無貽誤若以
該員會辦成都電局事務必能與周守祖佑和衷
共濟多所裨益惟事關電政應請大部查核照准
迅予電委至紉公誼

寄彰德袁宮保

八月二十六日

有電已轉飭各電局遵照矣惟漢口電局尙爲匪佔已
面囑廕大臣到漢卽將電局收回薩統帥昨日抵漢北
軍頭批已到鐵路現無恙

彰德袁宮保來電

八月二十六日

徑省兩電感悉鄂軍盡變庫欸全失赤手空拳用
何剿撫除蜀軍各有專帥外各路援軍在鄂境應
歸敝處節制者現有若干祈飭查示至禱憂心如
焚病益增劇廕帥過晤踴躍從事想不難指日盪
平也

許州廕大臣來電

八月二十六日

廿五晚抵彰德忽有俄美軍官五人乘運兵列車到彰卽擬登昌專車南下並持有京漢局所給軍用乘車執照當此軍情緊急運輸困難萬難准其前往除飭彰德站長不准中外人等搭乘軍用專車外卽祈嚴電各站不得再准給照爲要

奉天趙制軍來電

八月二十七日

連日飭潘道檢查滬電內有轉達東吉長兩報電云九江湖口陷失援鄂軍潰等語此等謠言不知滬局何故代發事關治安應請飭滬局及各局一律檢查扣留勿致搖惑再商報密碼東省已停止

收發各省亦請諭停盼復

寄廣州張制軍人駿

八月二十七日

頃准軍諮府函准尊處請給粵省紅十字分會董事鈐記等因查該分會惟上海一處首先成立組織漸次完備此次粵省醫生伍漢持等所派是否可靠望查詢情形隨時與敝處接洽商辦所需鈐記當飭照章刊刻俟尊處復到卽寄請轉給

寄彰德袁宮保世凱

八月二十七日

公此行事權必須歸一各路援軍聞只有湘豫兩軍先到未詳人數大約共總不到十營第四鎮廿六卯刻已

運完保定第六鎮一協廿九開車今日空車已有拖過
信陽者聞初一起節需車若干乞預示

寄南京張制軍人駿

八月二十八日

並致上海劉道

尊電鄂省匪黨恐由漢搭輪赴下游勾結生事亟應防
範極佩蓋籌惟亂後各界被難之人紛紛下駛停輪固
多窒礙且漢口爲通商口岸各國必不應允惟有由部
飭招商局並由滬道商各領事知會各家商輪一律只
准在九江安慶蕪湖南京鎮江上海各大碼頭停泊上
下所有一路小碼頭概不裝卸搭客並請通飭各大碼
頭專派得力巡警於船到時詳細挨查并登報俾沿路

搭客知照一面已商請稅務大臣通飭各稅務司檢查行李以期周密容再緩聞

寄重慶端大臣方

八月二十八日

廿二三五電悉北方各省均甚安鄂亂實由兵變黎元洪爲帥諮議局爲政府薩海軍昨已開砲廕統兩鎮陸續到漢昨打滋口匪敗慰帥督楚請援湘淮招勇廿四營大約意在間接招安高於直接言者多矣鄙見蜀事實難於鄂匪勢散漫兵行濡滯公所帶鄂軍如未潰散亟宜倍餉拊循軍心易轉精械難求西林督川病辭未准卽來亦不能速公能否商次帥一面招撫一面募勇

多一勇卽少一匪川路季帥仍請商辦 朝廷置之藉
此改綫正好機會請與川紳商之

寄南昌馮中丞汝驤 八月二十八日

滬漢各輪搭客形迹可疑者多刻值擾亂之際匪情叵
測承示各節具佩盡籌時安帥亦有電商現擬通飭各
輪只准在沿途大碼頭六處停泊上下其於各小碼頭
概不停輪及裝卸搭客並請飭派得力巡警於船到時
詳細挨查以期周密如有軍隊赴漢及下游先電尊處
及河道指明軍名船號並通電廕大臣及各軍查照均
卽遵示辦理

寄長沙余中丞誠格

八月二十九日

承面諭林道允將湘省應解漚賠款拾萬撥濟礦用甚
感現在商輪無法運萍務請暫匯五萬以免譁潰至禱
至感北軍第四鎮今日到信陽廕帥俟軍齊進發慰帥
已預備赴鄂

寄彰德袁慰庭宮保

八月二十九日

昨上午匪搶灑口鐵橋我軍小勝下午江岸槍聲海軍
武昌砲聲不絕勝負尙無實信廕帥昨在信陽北軍大
隊在孝感等處均未下車故南車七八百輛皆未回北
拖過信陽者甚少匪兵心志似易散亂但聞沿江各省

人心搖惑武漢得手方能鎮定公宜速行大約公到陸軍大臣即可調回以一事權前慮橋路被拆故預備馮國璋統第二軍航海今已暫緩聞公初一起節須車若干乞速示遵辦

彰德袁宮保來電

八月二十九日

接內閣沁電開荆襄地方重要甚爲可慮調撥軍隊深恐交通不便緩不濟急現已商明軍諮府陸軍部海軍部准由該處道府自行就近招募營隊扼要防守所需餉項由部籌給該道府迅卽督飭所屬地方文武妥慎籌維毋稍疏虞閣云現荆襄

電阻無從轉行請貴部設法轉寄該道府遵照

九江瑞制軍薩軍門寄內閣請代奏電

八月二十九日並

致軍諮府海陸軍部
度支部轉袁宮保

竊廿七日六點鐘津兵第二起坐火車到站尙未下車突有匪徒二三千人逕撲劉家廟車站希圖撲襲津兵張彪立率湘豫鄂各軍迎剿槍斃悍匪二三百人裹辮者居其大半奪得大砲六尊槍械無算匪徒敗走我軍傷亡二十餘人時鎮冰督率兵艦雷艇防護江岸以杜省匪接應瑞澂在楚豫兵輪游弋江岸接應突有匪徒砲隊由武昌江岸

開砲轟擊楚豫兵輪意在制瑞激死命楚豫開砲還擊連中兩砲匪隊始退唯因我軍兵力甚單不能痛追仍飭照舊嚴密防守不料三點鐘後匪徒大股擁至均有快砲二三十尊彈落如雨北洋砲隊未到步隊全軍遽向溝口追去匪軍因之奪氣亦各退卻鎮冰兵艦因恐誤擊我軍轉向後湖用砲擊匪後路共放三十餘出傷斃匪徒不少七點鐘後張彪探得劉家廟駐匪無多復率湘豫鄂各軍回攻擊敗匪徒復將劉家廟佔住唯津兵不奉命令不能前進此我軍擊敗匪徒並劉家廟失而

復得之情形也伏查此次匪徒先乘津兵初到徑撲車站其謀極爲狡悍幸得當時擊退津兵毫無損傷午後復起大股砲隊來攻勢尤兇猛津兵砲隊未到步隊輒行先退以致各軍奪氣幸張彪奮不顧身復率湘豫鄂諸軍乘夜回車仍將劉家廟佔住唯本日傷亡甚眾兵力愈單津兵折回別無援應瑞澂等惟有督率將士竭盡血誠能守一日劉家廟卽盡一日之責惟陸軍旣單兵輪又乏煤米瑞澂之船更無米無油勢成坐困危在旦夕仰懇 天恩迅催廕昌立卽前來或派砲隊先至救

此危局不勝迫切待命之至謹請代奏瑞澂薩鎮冰同叩

九江瑞制軍寄內閣請代奏電

八月二十九日並致軍諮府海陸

軍度郵各部轉袁慰帥

竊廿七日匪軍攻撲車站官兵迎擊獲勝津兵退回不肯援應劉家廟失而復得各情形業經電奏在案探聞匪中以諮議局自治會為機關以報館報紙為煽惑各處響應瑞澂自二十日二十一日兩日率兵艦進攻武漢不克遂與張彪督飭豫省張錫元所帶陸軍一營湘省王鼎華夏占魁所帶

巡防隊兩隊及蕭安國輜重營一營張永漢步隊
兩隊崇歡巡防隊一營朱名超馬隊三十餘人特
別警察隊一百餘人駐守劉家廟車站再三開導
撫慰並發給各弁日記升獎札許以先支薪水苦
守七日以待津兵之至不期津兵旣到匪眾來攻
反向灞口退去當時津軍如果協力助剿漢陽縱
難遽復漢口必可奪回失此機會良可深惜現在
豫湘鄂戰後餘兵爲數不過二千雖經瑞澂督同
張彪勉勵將士死守劉家廟晝夜不懈而力盡筋
疲力藥垂罄廕昌至今未到津軍不遵瑞澂命令

若匪由漢口進兵形勢利便匪多砲隊我盡步騎
強弱懸殊斷難支持張彪等雖存必死之心劉家
廟終無保全之理現在各處電報久已不通所有
電奏去電先猶可託鐵路南局譯發前日又復斷
絕故改送九江電局拍發瑞澂子身率同幕僚數
人在艦游弋接應切望大兵迅集恢復城池不料
津軍遲遲不到到者祇有馬步而無砲兵且不遵
瑞澂命令無兵無餉呼應不靈智力俱窮徒深焦
憤薩鎮冰所統兵輪雷艇子藥無多米煤垂盡瑞
澂所乘之楚豫兵輪機器油已用罄煤亦祇數半

日武漢皆匪無可購辦前曾委員四出採辦米糧或因路途阻滯或竟消息毫無如此情形將至坐以待斃瑞澂不足惜特念兵艦爲水師利器若爲匪得爲害滋深不得已與薩鎮冰商明暫將楚豫兵艦開赴九江趕緊購辦米煤等物運往接濟惟黃州武昌縣大冶縣田家鎮處處有匪上下隔絕轉運甚難仰懇 天恩飭下提督張勳迅將浦口巡防隊派撥一半專向武穴等處節節掃蕩以通運道而分匪勢並懇飭下廕昌袁世凱迅速南下督兵進援俾劉家廟駐守湘豫各軍不致覆沒得

以規取漢口漢陽恢復武昌省城瑞澂亦得交卸
督篆稍輕擔負不勝迫切待命之至再漢陽鎮水
師兵變總兵張有亮聞已從賊昨已商請提督程
允和先行設法招撫以翦匪翼合併陳明乞代奏
瑞澂叩二十九日

荊州府連將軍電奏

八月二十九日

頃呈豔電想蒙代奏荆屬防務喫緊電飭荆宜道
吳筠孫速回該道廿七由宜昌星夜回沙今早已
到據面稟廿七由宜起程時市面商場均各無恙
惟風聞戴管帶壽山逃逸該道因荆沙電促未及

詳查等語現聞廿八夜陸軍全叛勾結匪人旋即佔據現荊州孤立上下無援請速飭陸軍大臣派兵尅日赴援無任盼切之至謹乞代奏連魁松鶴叩豔

信陽廕大臣來電

八月二十九日

連日開往漢口列車尙有十餘次車未北還實由司機多逃無人運用機關並缺煤致均停滯劉家廟瀝口一帶請飛飭京奉等路司機趕卽南下運空車北還至少須派十餘班多載水煤同來尤要火速頃飭將領遵悉並將車守少加賞犒當可逐

次拖回矣

彰德袁宮保來電

八月三十日

請發軍人乘車執照及軍用品運輸執照各二百張以便應用

寄彰德袁宮保

八月三十日

軍人乘車及軍用品運輸執照各二百張已飭照辦卽日送呈應用

寄信陽廕大臣

八月三十日

濤邸屬問廿七運完之第四鎮廿八運完之禁軍陸路管退砲均已過信陽否請電復保定第六鎮廿九可運

完

寄漢口劉家廟瑞制台薩軍門

八月三十日

申奉

旨瑞澂薩鎮冰電奏二十七日官軍與匪接仗

劉家廟失而復得請迅催廕昌立即前來或派砲隊先至救援等語仍著激勵將士穩慎進攻嚴防暗襲已有旨飭廕昌迅撥砲隊助剿矣欽此謹聞

寄南昌馮中丞汝驤

八月三十日

各處因鈔票逼現洋款頓缺萍礦停工恐亂務求就近設法代墊數萬兩運往萍鄉交林道查收其銀卽由做處交還上海洋元已飭設法

寄南京張制台南昌馮撫台安慶朱撫台上海劉道台

寄招商局員董

八月三十日

頃准海軍部函開屢接漢口來電各艦煤米車油均已
缺乏急待接濟務望通電沿江各省設法代辦運送漢
口以濟軍需所有款項均由本部照撥等因應請沿江
諸帥迅速派員購辦陸續裝運漢口以資急濟輪船或
搭裝或專裝乞酌量電飭上海招商總局及沿江各分
局妥籌辦理幸勿刻延款請暫墊隨後報部撥還並希
將辦法電示至紉公誼

寄彰德袁宮保

八月三十日

湘豫援軍力薄北軍甚厚但求用命及軍火合湊廕帥已到花園確是可勝不可敗中外望公如歲撥餉募兵無不照准惟聞庫空如洗恐非借款難支郵部預算本入不敷出今各交通均受鈔票影響亂不速平張綏亦須停工滬市已停七日華行均閉公屬籌挪舍外借恐無策似難嫌其遲緩軍情有聞必告

彰德袁宮保來電

八月三十日

自聞新命焦急廢寢然兵無一名餉無分文子身前往何從措手昨奏請撥餉募兵尙未奉批急切實難部署已去之軍係按秋操編制而籌備戰事

缺點尙多以攻悍匪恐難得手倘稍失挫遠近響
應全局瓦解不可不策出萬全部撥款輾轉需時
恐難迅速接濟倘有急需可否由貴部設法挪借
能借若干示覆

寄濟南孫中丞寶琦

九月初一日

交通受擠萬分危急餘由部復漢事不可問須盼項城
速行

寄信陽轉花園廕大臣

九月初一日

並致易參謀

九江訪事電有人於離漢八九里空營之處掘濠請留
意尊處至劉家廟鐵路通否近漢電綫毀斷數里已飭

趕修

又九月初一日

禁軍砲隊及第六鎮到否做處專弁陳金生隨公赴漢投薩軍門信如不能去請卽傳諭附空車回京爲感

又九月初一日

前敵情形此間傳聞多不確尊處如有所聞祈隨時示知

彰德袁宮保來電

九月初一日

做處需員差委擬調道清鐵路總辦黃開文來此襄助仍請暫留原差卽請飭遵再現當用兵之際

鐵路電報人員異常辛苦車手聞有逃意擬請將
湖北河南直隸界內路電各員生司事分別酌加
津貼以勵勤勞可否祈復

又九月初一日

日俄戰時所辦紅十字會尙有存款否此次戰事
擬設醫院款極難籌祈設法協助盼復

又九月初一日

前敵消息貴能靈通擬請專派委員隨軍設機通
電以便調度並祈酌備德律風及綫隨時架設統
赴信陽候調瑣瀆甚感

又九月初一日

頃據探報軍用專車雲集孝感縣以下各站行車
工人多半由信陽潛逃聞有數次幾致出險如無
需多似可令先回北若干已商廕公矣

又九月初二日

各電感悉鄂艦缺煤米已電奏飭江督贛撫委滬
九兩道接濟如需用船所撥遣運此變有關全局
必須同力合作方可有濟惟聞庫款甚絀請密商
廕公速爲籌備用兵如賭資厚可贏本微必輸匪
一日不平賦稅所失甚鉅如糜爛稍廣所失何止

億兆權度得失不得不放手籌備匪械多餉足官軍竟乏子彈優劣之勢判然兄與廢公皆當世偉人必能見及於此也敝處申辰本皆已領到

寄南京張制軍蘇州程中丞上海道劉觀察

九月初二日度支部

幣制局會電

現因南省市面銀根緊急現幣缺乏已由貴督奏明酌撥新鑄銀幣發交銀行行用據上海大清交通通商各銀行奉復已會同商會錢業公議擬照舊有龍圓價值通用藉維市面應請查照示諭閭省商民人等須知此項新幣比較舊有龍圓成色更佳現准照龍圓市價一

律行用所有錢糧釐捐各項均准完納俾堅信用而利推行希卽照辦電復爲盼

寄彰德袁宮保

九月初二日

紅會已派沈敦和由滬帶醫生去已奏請援案勸募又派福開森赴漢合辦日內過彰謁見請指授機宜德律風行軍綫備妥卽運廕已去一批黃開文卽派員代理

彰德袁宮保來電

九月初二日

冬電祇悉半價執照如由陸軍部請領往返需時殊多周折可否援照東征成案由統兵大臣自行刊發以昭簡便而利進行速示爲盼

又九月初二日

姜提台允借軍米五千石初三日運到塘沽祈飭
撥火車運二千石至彰德交卸運三千石至郟城
交卸已派員在塘沽守候押運威紉公誼速盼施
行

天津陳制軍夔龍來電

九月初二日

袁慰帥借調直隸馬隊兩營擬於初六日開拔早
間曾電請分飭京奉京漢路局預借車輛諒荷督
核頃接慰帥急電所調馬隊兩營在彰德下一哨
餘悉令由信陽下車等語合亟電聞請飭京漢路

局遵照是荷

寄彰德袁宮保

九月初二日

半價執照卽請由尊處自行刊發並將票式咨送

又

九月初三日

冬電昨交蔭公閱甚佩同力合作必可做到據云已先
電允四百萬已由部庫先籌百萬請速派員領運以應
急需陸軍部原請撥二百五十萬已放過現銀一百五
十萬匯豐四行尙無回電或云意存觀望或有居奇之
心

又

九月初三日

已遵示派車由塘沽運米五千分赴彰德鄆城矣筱帥
處運馬隊亦已照辦許兆桂帶電機明日來頃九江城
內放火

愚齋存稿卷第八十七